

高等小學校用

新歷史叢書一

商務印書館出版

新法歷史參考書編纂例言

一本書專供小學教師教授新法歷史者參考之用；編纂之趣旨有二：

1 時間經濟 小學教師，往往以一人而兼任數科目，課前豫備，恆苦時促事煩；有參考書爲之窮源竟委，使之覽了然，則可免翻檢羣書之勞，而豫備時間，大可經濟。

2 財力經濟 史事至爲繁博，非羅列羣書，互爲參證，不能得其真因確果。顧小學校，能力購羣書，廣供參考，此書採羣書之精華，萃於一編，教授既便，學校財力所省，爲亦不少。

一本書依據教科書課目，次（內分）一、二、三、四等數字，與教授書課文，附註相銜，凡課文包含之史事，一敘列，務使教者了解內容，教授時足以應付，然非以授之兒童者也。

一本書編述之各項史事，大率以正史爲根據；而旁及於諸子百家十三經，及其他稗官野史，名人筆記雜錄之類，每一項下，皆注明出自某書，或某書某篇，以孚傳信之旨。

一本書援引古籍，悉仍原文，篇幅過長者，則間節之，惟近世史之資料，甚少精確可靠之本爲據，故祇由編者博考羣籍而輯成之，其根據恕不一詳注。

一本書各課事項，有須闡明學理者，間由編者就一己思想所及，加以按語，其謬誤與否，仍候讀者鑒正。

新法歷史參考書第一冊目次

新法歷史參考書 第一冊 目次

- 一 上古時人的衣食住
- 二 涿鹿之戰
- 三 擊壤老人
- 四 唐虞禪讓
- 五 禹治水
- 六 商湯弔民伐罪
- 七 周文王治國
- 八 封建和吞併

- 九 蘇秦求官
- 十 魯仲連的高節
- 十一 秦始皇的專制和反動
- 十二 楚漢的戰爭
- 十三 緹縈上書救父除肉刑
- 十四 兩史家一女史
- 十五 曹魏的篡竊

二 高等小學校用

新法
歷史參考書第一冊

一 上古時人的衣食住

(一)……太古之初，人吮露精，食草木實，穴居野處；山居則食鳥獸，衣其羽皮，飲血茹毛；近水則食鼈魚螺蛤……
〔釋史引古史考〕……昔者先王未有火化，食草木之實，鳥獸之肉，飲其血，茹其毛，未有麻絲，衣其羽皮……〔禮記禮運篇〕

(二)……厥初生民，穴居野處，聖人教之結巢，以避蟲豸之害，而食草木之實，又號有巢氏，亦曰大巢氏……

〔通志三皇紀〕 上古之世，人民少而禽獸衆，人不勝禽獸蟲蛇；聖人有作，構木爲巢，以之羣居，天下號曰

有巢氏……〔韓子〕 按舊史稱黃帝築宮室，然伏羲已置城邑〔見路史後紀〕神農且立市廛，斷未有先

有城邑市廛，而後始有宮室也。以意度之，有巢氏始築類於鳥巢之宮室，至黃帝而益廣之耳。

(三)……聖人遊於日月之外，至於南垂，觀燧木，有鳥類鵲，啄其枝，則火出，取以鑽火，號燧人氏。〔……拾遺

記〕民知巢居，未知熟食，燧人氏出焉，觀星辰而察五木，知空間有火，麗木則明。故鑽木取火，教民以烹飪

之利……〔通志三皇紀〕

(四)太昊伏羲氏……珍雕象，法螭虺，作爲網罟，以畋以魚……因罔罟以制都布，給其衣服……〔路史後

新法歷史參考書 第一冊 一 上古時人的衣食住

一 高等小學校用

(紀) 古者庖犧氏之王天下也……作結繩而爲網罟，以佃以漁，蓋取諸離。(易繫辭傳) 伏羲作布，故

神農有不織之令……(路史後紀引白帖) 取犧牲以充庖廚，故號庖犧氏是爲犧皇……(帝王世紀)

(五) ……庖犧氏沒，神農氏作，斲木爲耜，剡木爲耒，耨之利，以教天下，蓋取諸益……(易繫辭傳) 古者

民茹草飲水，採樹木之實，食蠃蠅之肉，多疾病毒傷之害。神農氏以爲人民衆多，禽獸難以久養，乃求可食之

物，相土地燥溼肥磽高下，因天之時，分地之利，教民播種五穀，作陶冶斤斧，爲耒耜鉏耨，以墾草莽，然後五

穀興，以助果蔬實而食之，又嘗百草酸鹹之味，察水泉之甘苦，令民知所避就，當此之時，一日而遇七十毒

神而化之，使民宜之，天下號曰神農……(通鑑外紀)

二 涿鹿之戰

(一) 今直隸涿鹿縣，卽古之涿鹿地，境內有涿鹿山，然黃帝時所稱涿鹿，決不止一縣地，蓋當時人少地廣，一

大地用一公名，非若今之一小區，亦有一名號者也。

(二) 古史數稱諸侯，然初無五等爵之封，而亦無誰爲封建之者，三皇之說，又荒遠難稽，所謂諸侯，蓋卽部落

耳。路史所紀某氏某氏，殆各部落之號也。尙書稱諸侯之君爲后，諸會並長，由來已久，其後雖統屬於天

子，然亦非後世受封建者比，故不稱諸侯而曰羣后也。

(三)……諸侯相侵伐，暴虐百姓……(史記五帝紀)

(四)蚩尤兄弟八十一人，並獸身人語，銅頭鐵額，食沙石子，造立兵杖刀戟大弩，威震天下……(通鑑外紀注引河圖) 葛盧之山發而出金，蚩尤以爲劍鎧矛戟……(管子) 蚩尤最爲暴，莫能伐……(史記五帝紀)

(五)黃帝有熊國君，少典之子，姓公孫，名軒轅……(通鑑外紀) 黃帝始垂衣裳，有軒冕之服，故天下號軒

轅氏……(漢書律曆志)

(六)軒轅之時，神農氏世衰，諸侯相侵伐，暴虐百姓，而神農氏弗能征，於是軒轅乃習用干戈，以征不享，諸侯咸來賓……(史記五帝紀) 揮作弓，夷牟作矢……(世本) (注)揮夷牟，黃帝臣。黃帝第五子青陽生

揮，爲弓正，觀弧星，始制弓矢，主祀弧星，因姓張氏。(古今姓纂)

(七)玄女請帝製甲冑。(黃帝內傳)

(八)……五旗，五麾，六毒，而制其陣……(路史後紀卷五) 按黃帝臣風后，有握奇經，蓋紀載陣法之書也。經有「天地風雲龍虎鳥蛇，四爲正，四爲奇，餘奇爲握機」等語，蓋行陣分隊，有正有奇，以天地龍蛇等名之，且所以象耳。

(九)……軒轅乃修德整兵，治五氣，藝五種，撫萬民，度四方，教熊羆貔貅獬廌，按兵也。(史記五帝本紀)

新法歷史參考書 第一冊 二 派典之戰

三 高等小學校用

新法歷史參考書 第一册 三 擊壤老人

四 高等小學校用

(一〇) 共鼓貨狄作舟(世本) 剡木爲舟，剡木爲楫，以濟不通。(易繫辭傳) 帝既斬蚩尤，因乘車輅，又令邑夷造車，以便民……(黃帝內傳) 按車之制作，當在斬蚩尤前，特軍中專用，未有大輅之制，及便民之車耳。斬蚩尤前，已發明指南車，必先發明普通用車也。又按古者交通，至爲不便，黃帝不先發明舟車，必不能從事遠征。

(一一) 蚩尤作兵伐黃帝，命應龍攻於冀北之野……(山海經) 黃帝使力牧神皐討蚩尤氏，擒於涿鹿之野，使應龍殺之於凶黎之丘。凡五十二戰而天下大服……(帝王世紀)

(一二) 黃帝與蚩尤戰於涿鹿之野，蚩尤作大霧，兵士皆迷，於是作指南車，以示四方，遂擒蚩尤而卽帝位。故後常建焉……(古今注) 按蚩尤作大霧，事極荒誕，蓋當時涿鹿之野，地廣民少，無方向標識可認，行軍失道，如入大霧耳。

(一三) ……蚩尤作亂，不用帝命，於是黃帝乃徵師諸侯，與蚩尤戰於涿鹿之野，遂擒殺蚩尤，而諸侯咸尊軒轅爲天子……置左右大監，監於萬國，萬國和……(史記五帝本紀) 天下有不順者，黃帝從而征之，平者去之，披山通道，未嘗寧居。東至於海，登凡山及岱宗，西至于空桐，登雞頭，南至於江，登熊湘，北逐葷桐，合符釜山，而邑於涿鹿之阿……(史記五帝本紀)

三 擊壤老人

(一) 帝堯，帝嚳之子……姓伊祁，號陶唐氏……（通鑑外紀）

(二) ……茅茨不剪，櫨桷不斲，大路不畫，越席不緣，名羹不和，棄食不毀，藜藿之羹，飯於土簋，飲於土鐏，金銀珠玉不飾，錦繡文綺不展……（通鑑外紀）……乃立三公六卿百揆，暨百執事，富而無驕，貴而不舒，居於明堂，斥題不斲，土階不成，茅茨不割……（路史後紀）

(三) ……克明俊德，以親九族，九族既睦，平章百姓，百姓昭明，協和萬邦，黎民於變時雍……（書堯典）……

堯乃微服遊於康衢，問童謠曰：『立我蒸民，莫匪爾極，不識不知，順帝之則。』……（列子）堯觀乎華，華封人曰：『嘻！聖人，請祝聖人，使聖人壽……使聖人富……使聖人多男。』……（莊子）昔者堯朝許由於沛澤之中……（呂氏春秋）按觀以上所云，可知帝堯常與平民往還，絕不深居簡出。

(四) 堯之時，天下太和，百姓無事，有八九十老人，擊壤而歌曰：『日出而作，日入而息，鑿井而飲，耕田而食，帝力何有於我哉？』……（帝王世紀）帝堯之世，天下太和，百姓無事，壤父年八十餘，而擊壤於道中，觀者曰：『大哉，帝之德也！』壤父曰：『吾日出而作，日入而息，鑿井而飲，耕田而食，帝何德於我哉？』……（高士傳）

按八九十老人，蓋言八九十歲之老人，猶後人稱七十歲之老人為七十老翁也。後世解為八九十個人，則與高士傳所謂年八十餘者大異矣。藝經稱壤以木為之，前廣後狹，風俗通稱壤形如履，長三四寸，下值以為戲具，壤本土壤，乃以木壤稱之，若特製此具者，是又後人附會擊壤事而為之耳，不可徵也。路史注

亦主此說。

新法歷史參考書 第一册 四 唐虞禪讓

六 高等小學校用

四 唐虞禪讓

(一) 虞舜者，名曰重華。重華父曰瞽叟，瞽叟父曰橋牛，橋牛父曰句望，句望父曰敬康，敬康父曰窮蟬，窮蟬父曰帝顓頊，顓頊父曰昌意，以至舜，七世矣。自從窮蟬以至帝舜，皆微爲庶人……舜耕歷山，歷山之人皆讓畔；漁雷澤，雷澤上人皆讓居；陶河濱，河濱器皆不苦窳。一年而所居成聚，二年成邑，三年成都……（史記五帝本記）按歷山，集解引鄭玄曰：『在河東。』閻若璩四書釋地續：『舜耕於歷山，歷山所在多有，然終以宋河東縣今蒲州者爲是。』西今山永濟縣東南雷澤，引鄭玄曰：『雷夏，兗州澤，今屬濟陰。』武濟陰郡今山東定陶縣境陶，引皇甫謐曰：『濟陰定陶西南陶丘亭是也。』定陶今縣屬山東濟寧道壽丘，引皇甫謐曰：『在魯東門之北。』曲阜縣負夏，引鄭玄曰：『衛地。』

(二) 堯曰：『嗟！四嶽，朕在位七十載，汝能庸命，踐朕位。』嶽應曰：『鄙德，忝帝位。』堯曰：『悉舉貴戚及疏遠隱匿者。』衆皆言於堯曰：『有矜在民間曰虞舜。』堯曰：『然，朕聞之，其何如？』嶽曰：『盲者子，父頑，母嚚，弟傲，能和以孝，烝烝治，不至姦。』堯曰：『吾其試哉！』於是堯妻之二女，觀其德於二女。舜飭下二女於嬀汭，如婦禮。堯善之，乃使舜慎和五典，五典能從，乃徧入百官，百官時序，賓於四門，四門穆穆，諸侯遠方賓客皆敬。堯使舜入山林川澤，暴風雷雨，舜行不迷。堯以爲聖，召舜曰：『女謀事至而言可績，三年矣，女登帝位。』舜讓於德，不

釋。正月上日，舜受終於文祖。文祖者，堯太祖也。於是帝堯老，命舜攝行天子之政，以觀天命。（同上）案今舜典已亡，堯典亦經割裂，史公親受書於孔安國，所敘實爲可信，故本課敘二帝事，逕據史記。

（三）昔高陽氏有才子八人：蒼舒、隤戩、檮戩、大臨、允降、庭堅、仲容、叔達。齊聖廣淵，朋允篤誠。天下之民，謂之八愷。高辛氏有才子八人：伯翳、仲堪、叔獻、季仲、伯虎、仲熊、叔豹、季狸。忠肅共懿，宣慈惠和。天下之民，謂之八元。此十六族也，世濟其美，不隕其名，以至於堯。堯不能舉，舜臣堯，舉八愷，使主后土，以授百事，莫不時序，地平天成。舉八元，使布五教於四方。父義，母慈，兄友，弟共，子孝，內平外成。昔帝鴻氏有不才子，捨義隱賊，好行凶德，醜類惡物，頑嚚不友，是與比周。天下之民，謂之渾敦。少皞氏有不才子，毀信廢忠，崇飾惡言，靖譖庸回，服讒蒐慝，以譖盛德。天下之民，謂之窮奇。顓頊氏有不才子，不可教訓，不知話言，告之則頑，舍之則嚚，傲很明德，以背天常。天下之民，謂之檮杌。此三族也，世濟其凶，增其惡名，以至於堯。堯不能去，縉雲氏有不才子，貪於飲食，冒於貨賄，侵欲崇侈，不可盈厭，聚斂積貨，不知紀極，不分孤寡，不恤窮賈。天下之民，以比三凶，謂之饕餮。舜臣堯，實於四門，流四凶族。渾敦窮奇，檮杌饕餮，投諸四裔，以禦魑魅。是以堯崩而天下如一，同心戴舜，以爲天子，以其去十六相，舉四凶也。（左傳文公十八年）（史記五帝本紀略同）

（四）按史記乃使舜慎和五典，集解引鄭玄曰：「五典，五教也。」蓋試以司徒之職，象以典刑，流宥五刑，鞭作官刑，扑作教刑，金作贖刑，眚裁肆赦，怙終賊刑，欽哉欽哉，惟刑之恤哉。（書堯典）（史記肆作過，恤作靜）

(五)……此二十二人，咸成厥功。……惟禹之功最大。(史記五帝本紀) 按二十二人，據集解引馬融說：爲

禹，垂，益，伯夷，夔，龍，及四岳，十二牧。

(六)帝舜薦禹於天，爲嗣。十七年而帝舜崩，三年喪畢，禹辭避舜之子商均於陽城，天下諸侯，皆去商均而朝禹，禹於是遂即天子位。……帝禹立而舉皋陶，薦之，且授政焉，而皋陶卒，封皋陶之後於英，六或在許，而后舉益任之政。十年，帝禹東巡狩，至於會稽而崩，以天下授益，三年之喪畢，益讓帝禹之子啟，而辟居箕山之陽，禹子啟賢，天下屬意焉，及禹崩，雖授益，益之佐禹日淺，天下未洽，故諸侯皆去益而朝啟，曰：『吾君帝禹之子也。』於是啟遂即天子之位。(史記夏本紀)

五 禹治水

(一)……燧人之世，天下多水，故教人以漁。……(尸子) 古者龍門未開，呂梁未鑿，河出於孟門之上，大溢

逆流，無有丘陵高阜，盡皆滅之，故曰洪水。……(尸子) 共工與顓頊爭帝，怒觸不周山，天柱折，地維缺，天

傾西北，地陷東南。……(列子) ……往古之時，四極廢，九州裂，天不兼覆，地不周載，火燼炎而不滅，水浩

洋而不息。……(通鑑外紀注) 女媧氏時，……共工振洪水，以禍天下，……(淮南子) 按綜觀以上諸

說，雖或怪誕不經，要可知洪水伊古有之，非至堯時而始有。所謂天傾西北，地陷東南，蓋中國地勢西北高，東南下，水出於西北，而泛濫於東南耳。自古已有洪水，至堯時而始治之者，以洪水初非太甚，且民生未繁，

而多數聰明才智之士，方居於西北高原，未注意東南低地也。堯時生齒既多，洪水益甚，浩浩懷山襄陵，雖帝都高原，（堯都山西平陽）亦將浸及，故始汲汲治之。

（二）當帝堯之時，洪水滔天，浩浩懷山襄陵，下民其憂。堯求能治水者，羣臣四嶽，皆曰：「鯀可。」堯曰：「鯀爲人負命毀族，不可。」四嶽曰：「等之未有賢於鯀者，願帝試之。」於是堯聽四嶽，用鯀治水，九年而水不息，功用不成。於是帝堯乃求人，更得舜，舜登用，攝行天子之政，巡狩行視鯀之治水無狀，乃殛鯀於羽山以死。天下皆以舜之誅爲是……（史記五帝本紀）……湯湯洪水方割，蕩蕩懷山襄陵，浩浩滔天，下民其咨……

（書）

（三）帝舜有虞氏，姚姓也，目重瞳，故名曰重華，字都君，有聖德……（帝王世紀）……二十，以孝聞。三十，堯

聞其賢，徵之草茅之中……封於虞，爲諸侯……堯知舜足授天下……使攝行天子事……堯辟位二十

八年，凡在位百年而崩。舜即天子位。（通鑑外紀）帝舜即位之明年正月元日，格於文祖，本處虞之嫡，

天下號曰有虞氏，都蒲坂……（通鑑外紀）按蒲坂，山西平陽也。

（四）……舜舉鯀子而使續鯀之業……禹爲人敏給克勤，其德不遠，其仁可親，其言可信，聲爲律，身爲度，稱

以出，聲聲穆穆，爲網爲紀，禹乃遂與益后稷奉帝命，命諸侯百姓，與人徒以傳土，行山，表木，定高山大川……

……（史記夏本紀）

新法歷史參考書 第一冊 五 禹治水

九

高等小學校用

(五)禹敷土，隨山刊木，奠高山大川。冀州既載，壺口治梁及岐，既修太原，至於岳陽，覃懷底績，至於衡漳……
 恆衛既從，大陸既作，島夷皮服，夾右碣石，入於河。濟河惟兗州，九河既道，雷夏既澤，淮沮會同，桑土既蠶，是降丘宅土……浮於濟，達於河。海岱惟青州，隅夷既略，濰淄其道……浮於汶，達於濟。海岱及淮惟徐州，淮沂其乂，蒙羽其藝，大野既豬，東原底平……浮於淮，泗，達於河。淮海惟揚州，彭蠡既豬，陽鳥攸居，三江既入，震澤底定……沿於海，達於淮，泗，荆及衡陽，惟荊州，江漢朝宗於海，九江孔殷，沱潛既道，雲土夢作乂……浮於江，沱，潛，漢，逾於洛，至於南河，荊河惟豫州，伊洛瀍澗，既入於河，滎波既豬，導菏澤，被孟豬……浮於洛，達於河，華陽黑水惟梁州，岷嶓既藝，沱潛既道，蔡蒙旅平，和夷底績……浮於潛，逾於沔，入於渭，亂於河，黑水西河惟雍州，弱水既西，涇屬渭汭，漆沮既從，澧水攸同，荆岐既旅，終南惇物，至於鳥鼠，原隰底績，至於豬野，三危既宅，三苗丕斂……浮於積石，至於龍門，西河會於渭汭，織皮岷嶓，析支渠搜，西戎既斂……(書禹貢)
 導弱水，至於合黎，餘波入於流沙，導黑水，至於三危，入於南海，導河積石，至於龍門，南至於華陰，東至於底柱，又東至於孟津，東過洛汭，至於大伾，北過降水，至於大陸，又北播爲九河，同爲逆河，入於海。岷山嶓冢導漾，東流爲漢，又東爲滄浪之水，過三澨，至於大別，南入於江，東匯澤爲彭蠡，東爲北江，入於海。岷山導江，東別爲沱，又東至於澧，過九江，至於東陵，東迤北會於匯，東爲中江，入於海，導沱水，東流爲濟，入於河。洸爲滎，東出於陶丘北，又東至於荷，又東北會於汶，又東北入於海，導淮自桐柏，東會於泗沂，東入於海。導

渭自鳥鼠同穴，東會於澧，又東會於涇，又東過漆沮，入於河，導自熊耳，東北會於澗，又東會於伊，又東北入於河……（書禹貢）按前條言禹治水次第，此則總說諸水之來源去路也。

（六）……禹傷先人父鯀功之不成，受誅，乃勞身焦思，居外十三年，過家門而不敢入。（按孟子稱三過其門而不入）……陸行乘車，水行乘船，泥行乘橇，山行乘樾，左準繩，右規矩，載四時以開九州，通九道，陂九澤，度九山。……（史記夏本紀）

（七）令益與衆庶稻可種卑溼，命后稷予衆庶難得之食，食少調，有餘相給，以均諸侯。……（史記夏本紀）

……禹曰：『洪水滔天，浩浩懷山襄陵，下民昏墊。』予乘四載，隨山刊木，暨益奏庶鮮食，予決九川，距四海，濬畎澮距川，暨稷播奏庶艱食，鮮食，懋遷有無化居，烝民乃粒，萬邦作人。（書）

（八）……於是周行富內，東造絕迹，西延積石，南踰赤岸，北過寒谷。……相土觀地分州，殊方各進，有所納貢，民去崎嶇，歸於中國。……（吳越春秋）……東漸於海，西被於流沙，南暨聲教，訖於四海。禹錫玄圭，告厥成功。……（書禹貢）

六 商湯弔民伐罪

（一）禹受舜禪，改國號曰夏，稱王，後以帝位傳啟，又十餘傳而至帝孔甲。孔甲崩，子皋立；皋崩，子發立；發崩，子履癸立，是爲桀。

新法歷史參考書

第一冊

六 商湯弔民伐罪

十一

高寧小學校用

(二)桀作瑤臺，罷民力，殫民財，爲酒池糟隄，縱靡靡之樂，一鼓而牛飲者千人……(新序)

(三)……桀……爲石室瑤臺，闢龍逢諫，桀言曰：『吾之有民，如天之有日，日亡我則亡。』以爲龍逢妖言而殺之。……(博物志) ……一鼓而牛飲者三千人，羣臣相持而歌曰：『江水沛沛兮，舟楫敗兮，我王廢兮，越歸薄兮。』又曰：『樂兮樂兮，四牡躡兮，去不善而從善，何不樂兮。』伊尹知天命之至，舉觴而告桀曰：『君王不聽臣之言，亡無日矣。』桀拍然而作，啞然而笑曰：『子何妖言？吾有天下，如天之有日也。日其亡乎？日亡，吾亦亡矣。』……(新序)

……夏王率遏衆力，率割夏邑，有衆率意弗協，曰：『時日曷喪？予及汝偕亡。』……(史記殷本紀及書湯誓)

(四)契佐禹治水有功，封於商，十餘傳，至主癸，生湯，名履，字天乙，居亳，是謂成湯。

(五)湯征諸侯，葛伯不祀，湯始伐之……諸侯昆吾氏爲亂，湯乃興師率諸侯，伊尹從湯，湯自把斧鉞，以伐昆吾……(史記殷本紀) 湯始征自葛載，十一征而無敵於天下，東面而征，西夷怨，南面而征，北狄怨，曰：『奚爲後我？』民之望之，若大旱之望雲雨也。歸市者弗止，芸者不變，誅其君，弔其民，如時降雨，民大悅……(孟子)

(子)

(六)……遂伐桀，作湯誓，於是湯曰：『吾甚武，號曰武王。』桀敗於有城之虛，桀奔於鳴條，夏師敗績，遂伐三髮，俘厥寶玉……桀走鳴條，遂放而死……(史記殷本紀) 湯來伐桀，以乙卯日，戰於鳴條之野，桀未戰而敗。

續。乃與妹喜及諸嬖妾，奔於南巢之山而死……（帝王世紀）

（七）湯既勝，夏欲遷其社，不可，作夏社，伊尹報。於是諸侯畢服，湯乃踐天子位，平定海內。（史記殷本紀）

七·周文王治國

（一）……公季卒，子昌立，是爲西伯。西伯曰文王，遵后稷公劉之業，則古公公季之法，篤仁，敬老，慈少，禮下賢者，日中不暇食以待士，士以此多歸之。伯夷、叔齊在孤竹，在平州，歲龍南十二里。聞西伯善養老，盡往歸之。太顛、閎夭、散宜生、鬻子、辛甲，大夫之徒，皆往歸之。（史記周本紀）案書無逸：「自朝至於日中昃，不遑暇食。」孟子：「伯夷辟紂，居北海之濱。聞文王作，興曰：『盡歸乎來！吾聞西伯善養老者。』」太公避紂，居東海之濱。聞文王作，興曰：「盡歸乎來。吾聞西伯善養老者。」皆可與史記此文相參證。

（二）齊宣王問曰：「文王之囿，方七十里，有諸？」孟子對曰：「於傳有之。」曰：「若是其大乎？」曰：「民猶以爲小也。」曰：「寡人之囿，方四十里，民猶以爲大何也？」曰：「文王之囿，方七十里，芻蕘者往焉，雉兔者往焉，與民同之，民以爲小，不亦宜乎？」（孟子）孟子見梁惠王，王立於沼上，顧鴻雁麋鹿，曰：「賢者亦樂此乎？」孟子對曰：「賢者而後樂此，不賢者雖有此，不樂也。」詩云：「經始靈臺，經之營之，庶民攻之，不日成之；經始勿亟，庶民子來。」王在靈囿，麋鹿攸伏，麋鹿濯濯，白鳥鶴鶴，王在靈沼，於物魚躍。」文王以民力爲臺爲沼，而民歡樂之，謂其臺曰靈臺，謂其沼曰靈沼，樂其有麋鹿魚鼈，古之人與民偕樂，故能樂也。」（孟子）